



**ATA OFISIAL DI INKONTRU
AUDIENSIA ORSAMENTAL DI FY23 Y RIUNION DI KUMITÉ SKULAR DI BOSTON**

23 di Marsu di 2022

Kumité skular di Boston rializa um riunion rimota dia 23 di Marsu di 2022 , 5 ora na Zoom. Pa mais informason sobri kualker un di kes itens listadus dibaixu, vizita www.bostonpublicschools.org/schoolcommittee, e-mail feedback@bostonpublicschools.org tilifona pa o skritóriu di Kumité skular di Boston pa (617) 635-9014.

PRIZENSA

Membrus di kumité skular Presentis: Prizidenti Jeri Robinson; Visi-Prizidenti Michael D. O'Neill; Stephen Alkins; Brandon Cardet-Hernandez; Lorena Lopera; Rafaela Polanco Garcia; Quoc Tran; y Riprizentanti Studentil Xyra Mercer.

Menbrus di Kumité Skular Auzenti: Ninhun.

DUKUMENTUS APREZENTADUS

Ajenda

Ata di Riunion: 16 di Marsu di 2022 FY23 Audiensia y Runion di Orsamentu

Duason en jénerus ku un valor total stimadu di \$20020

Subsidiu para aprovason ku un total di \$: 883 650\$

Prujetus Asileradu di Riparason di Entidádi di Konstruson di Skolas di Massachusetts (MSBA) PowerPoint

Karta di Orsamentu Final FY23 di Superintendenti pa Kumité Skular, 16 di Marsu di 2022

Tabelas di Orsamentu FY23 atualizadu 16 03 2022

Diklarason di Inpaktu di Ikuidadi di Rikumendason Orsamental FY23

Dokumentus adisional di Orsamentu FY23

Reunion rimotu di kumite Skular di Boston
Zoom

23 di Marsu di 2022

Nota re: Atualizason di rejistus y di Atribuison, 17 di Marsu di 2022

Aprezentason di rejistus y di Atribuison

Deklarason di Inpaktu sobri ekuidadi di Rejistu y di Atribuison

PIDIDU DI ORDÍ

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psoal. Tudú menbrus taba prezenti menos Sr.Cardet-Hernandez y di Sr.O'Neill ki entra na seson izekutivu en kursu, y di Sra. Mercer ki entra na runion públiku pa 6 ora

Sra. Robinson anunsia ki kumite ta binha adia seson izekutivu ku objetivu di konduzi um seson stratéjiku relasionadu ku negosiason kuletivu ku sindikatu di Prufisoris di Boston. E anunsia ki Kumite ta voltaba pa seson publiku 6 hr.

ADISIONA À SESON EZEKUTIVU

Aprovadu - Pur xamada nominal, Kumité vota di forma unanimi adiamentu pa um seson ezekutivu ku objetivu di konduzi um seson stratéjiku relasionadu ku negosiason kuletivu ku Sindikatu di Prufisoris di Boston.

VOLTA PA SISON PUBLIKU Y ORDEN DI XAMADA

Prezidenti Jeri Robinson volta konvoka runion en seson públiku pur volta di 6:08 Sra. Robinson splika ma Kumite tinha akabadu di regresa di um seson izekutivu ku objetivu di konduzi um seson stratéjiku relasionadu ku negosiason kuletivu ku Sindikatu di Prufessoris di Boston.

Sra. Robinson fla ki riunion di oji di noiti staba ta ser transmitida en diréту na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. E anusiaba ma staba dispuniel sirvisus di interpretason simultânia na spanhol, kriolu haitiano, Kabuverdianu , vietnamita, kantonês, mandarim, e língua jestual amerikanu (ASL). intérpretis presenta sés kabesa y es da instrusom na sés línga nativa sobri modi kes ta asesá interpretasom simultânia através di mudansa di kanal Zoom. Dukumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

APRUVASON DI ATA DI RIUNION

23 di Marsu di 2022

Aprovadu - pa xamada numinal, kumité aprova pa unanimidadi ata di riunion di Audiencia Orsamental y di Kumité skular di 16 di Marsu di 2022 FY23.

RILATÓRIU DI SUPERINTENDENTI

Sima preparadu pa intrega.

Obrigadu, Senhora Prisidenti, y obligadu pa tudu nhos ki sta ku nós hoji nés noti. N'ten alguns atualizasons kin kre partilha antis di nu mergudja na aparezentasons des noti.

Nos pensamentus sa kontinua ku nos alunus y pesual di TechBoston Academy dipos di trájiku tiroteiu fora di skola na semana pasadu ki firi un alunu y un profesor inkuantu es sa ta preparaba pa un iventu skular. Nos alunus debi xinti seguru y apoiadus y kes tipus di atus diskaradus di violensia kumunitáriu podi ten inpaktu pruglongadu. Nsa gratu a BPS Safety Services y a nos parserus di BPD ki respondi imediatamenti y permanesi en apoiu a skola. Nsa gratu a Prezidenti Wu ki djunta ku mi na skola na noti di tiroteiu y e fika en kontratu prósimu na dias sigintis pa asegura un sforsu kordenadu di apoiu a skala di sidadi. BPS ta kontinua profundamenti inpenhadu na proporsiona spasus segurus pa nos alunus prenda y ka ta ben tolera kes asons li. N'kre agradesi nos inkrivel Ikipa di Seguransa y Ikipa di KRizi pa kel inkrivel trabadju li na ladu di BPS pa da resposta y trabadja na investigason. N'sabi ma djan diskuti keli munti bes duranti nhas atualizasons, mas nkre aborda rapidamenti seguransa global di skola y relason di trabadju ku BPD, un bes ki sa kontinua ta ten meius di kumunikason susial refsorsadus na seguransa na nos skolas. Nos ikipas ta trabadja arduamenti pa konxi alunus y kumunidadi pa ivita, tantu kuantu pusivel, okorensia di insidentis na skolas. Spesialistas en seguransa sta na skolas pa jiri insidentis a midida ki kes li ta okori y pa txoma BPD ora ki for nesesáriu. Nu ta akredita ki kel mudelu li, sentradu na relasons - ma ta aji rápidu y di manera disizivu ora ki nesesáriu- ta ben prumovi anbietis di aprendizajen seguru y akulhedores. Sima Xefi Coakley diskuti na un runion resenti, nos Spesialistas na Seguransa pasa pa un formason stensu tantu na trabadja komu na nos jovens ssima na rezuluson di problemas.

Sima nota na nhas kumentárius na semana pasadu, BPS inda sta na kontaktu xtreitu ku BPHC sobri indikadoris ki nu mesti riuni a fin di muda pa un pulitika di maskara na skolas. Inkunatu nu sa manti nes konversas nu sabi ma ta izisti otus sforsus di mitigason ki nu podi rekumesa ta adota ou silera. Tendu en konta ki tenpu sta ta akesi, nu podi kumesa ta abri nos janelas y kumesa ta muda atividadis pa rua y nu sa ta inkumenda tendas pa skolas ki kre. Nu instala nos sensor di kualidadi di ar na tudu salas di aula y un pariba di kada skola pa monitoriza ar di rua. Nu dispunibiliza kel midida dinamiku li na un painel di instrumentus di nos site. Kes abordajens li, kombinadu ku un revizon regurozu di dadus, ta ben informa nos tomada di disizon. Entretantu, nu sta ta prepara novus sinal y mensajens pa asegura ki tudu alunus y pesual e apoiadu na disizon kes ta toma. Nu ta bem manti Kumité y nos skolas y famílias informadus inkuantu nu ta kontinua ta monitoriza dadus y aprosima mas di tomada di disizon.

Sr. O'Neil y nos nu tevi oportunidadadi di nu liga a nos koelgas di tudu skolas di Konselhu di Grandi Sidadis na fin di sermana pasadu. Organizadu anualmenti pa Konselhu, konferensia ta riuni superintendentis, menbrus di Konselhu Skular y pesual pa un fim de semana di

23 di Marsu di 2022

planiamentu, análzie di dadus y partilha di midjoris prátikas. N'sta gratu pa lideransa kontinu di Sr. O'Neil na Konselhu y pa oportunitadi din liga a kolegas di país interu.

Sima min kumunika pa Kumité na semana pasadu, Kumisáriu Riley mandam un karta ta dilinia un revizon distrital aseleradu. Na se mensajen, Kumisáriu spresa se dezeju di konpleta revizon na un prazu mas kurtu, afin di furnesi un relatóriu atualizadu a prósimu Superintendi y dokumenta prugresus, sima árias di oportunitadi. Djan afirma munti bes kin apresia rezultadus di revizon distrital kin dadu na Fevereiru di 2020 kandu n'txiga, ta dilinia 300 pájinas di un revizon izaustivu di operasons y di akadémikus. Ikipa tevi un semana pa riunu dokumentason pididu pa Stadu y ten trabadjadu duranti fin di semana interu pa djunta dukumentus y prepara pa vizitas ki ta kumessa próxima semana. Kel revizon abreviadu li ta ben ten durason di tres dia y ta ben inklui observasons na sala di aula na un subkonjuntu di skolas selesionadu pa Stadu. N'ta kredita ma dja nu fazi bons prugresus apezar di un pandemia. Nu adota pulitkas novus, nu orienta novus investmentus, y nu sisti aumentus na taxas di finalistas y diminuisons na taxas di abandonu skular. Nu sabi ma inda nu teni trabadju pa fazim ma nsta konfianti ki revizoris ta ben oia ma nos distritu da pasus pa frenti y ki e kumesa ta konstrui un bazi forti ki ta aborda dezigualizadis sistemátikus di longa data dentu di sistema ki ten tidu inpaktu na rezultadus di alunus. N'sta gratu pa parseria kontinu ku Stadu y n'ta ben manti Kumité atualizadu sobri vizita.

Es semana, 21° a 25° di Marsu, e kuarta semana Anual di Respestu 24/7 di distritu! Es anu, tudu alunus di sextu anu ta ben sisti y diskuti vidiu premiadu pa Telly Award di Gabeti di Ekuidadi di BPS, "24/7 Respect" ku atoris alunus di Boston Arts Academy. Alunus ta ben ten oportunitadi di preni manera di privini y trata di insidentis baziadu na prekonseitus y mau konduta seksual, seja pesualmenti, pa textu ou na redes susial. Vidiu sta dispunivel tantu na ingles sima na spanhol faladu, y lijendadu na mas di douzi lingua. Profesoris, asistentis susial, y otu pesual skular ten stadu ta partisipa na sesosns di informason di Gabeti di ekuidadi pa prepara pa lansamentu des anu. N'ta gostaba di partilha un vídiu di dos minutu ki ta rialsa ifikásia des prugrama. Nu sta uma orgulhozu pa kel prugrama li ter sidu rekunhesidu komu un mudelu nasional, y nsa sepra ku spektativa partisipason di nos alunus y profesor is es semana.

N'ta gostaba tanbe di partilha un lenbreti rápidu di ki ma inskrisons prioritáriu pa alunus ki entra na turmas di K2, 1-5, 8 y 10-12 dja kumesa y ta ben termina na próxima semana sexta fera, 1 di Abril. Familias ta bai nutifikadu sobri ses numiason na final di Maiu.

Fazi di rijistru prioritáriu pa Jardin 0 y 1 anu, 6°, 7°, y 9° dja fitxa. Alunus dezignadus nes ronda ta ben resebi notifikasons di atribuison ti final di Marsu. Familias podi inskrevi inda pa kes turmas li através di Sentru di Boas-vindas y ta ben ser inkluidu na segundu ronda di tarefas. Tudu notifikasons di trabadju di 7 anu pa trabadju di skola ke ka izami foi mudadu pa segunda ronda y ta ben ser divulgadu na final di Maiu. Kel ason li foi tomadu en konta na prusesu di admison di skolas di izami ki inda e speradu pa final di Abril. Na um sforsu di manti tudu nos familias y seguru y pa limita spuzison a COVID-19, tudu inskrison skular sta atualmenti ta ser kompletadu so pa markason. Bu podi sigi pasus na nos site na www.bostonpublicschools.org/register pa konpleta prusesu di pré-rejistru di bu fidju. Rapidamenti nkris partilha unsória di distaki puzitivu ki tevi luga na semana pasadu. Gabeti di Saudi y Ben-Estar di BPS y asosiason di Atletismu di Boston djunta pa divulga mensajen di alfabetizason Fíziku a alunus di BPS. Na segunda fera, 14° di Marsu, BAA trazi Nell Rojas, un maratonista, y trialeta y kanpian mundial di korida di obstákulus, pa apresenta alunus na aulas di Idukason Fízika na skolas sekundáriu di Novu Mison

23 di Marsu di 2022

y BCLA. Kel vizita li ta koincidi ku un duason di BAA na 2020 di ekipamentu di fitness funksional- sima alter, bolas di bosu, bolas di midisina, kaxas di plyo jump y mutu mas - a kada programa di PE na kada skola sekundáriu di BPS. Duranti vizita di Segunda-fera, alunas tevi di partisipa na un trenu na sirkuitu uzandu ekipamentu ladu di Nell Rojas. Rojas tanbe partilha se própriu jornadu pa bira un koredor profesional ku alunas. Nkre da un klamor spesial a Gabinete di Saudi y Ben-estar di BPS y BAA pa se parseria kontínu, y a Nell Rojas pa vizita y insinu a nos alunas sobri inportansia di aptidon fiziku pa vida.

Keli e rilatóriu di nha superintendente pa és noti.

Sra. Robinson pergunta Superitendenti si tinha algun priokupason sobri pusivel findi uzu di máskara. Superitendenti papia sobri distritu ki ta akolhi mas di 100 klinikas di vasinason y sobri sforsus en kursu pa vasina alunas mas jovens. E papia sobri inportansia di respeta eskolhas di alguen ki inda ta opta pa uza maskara. Sra. Robinson pidi mas informasons sobri sensoris di kualidadi di ar interior. Superitendenti Adjuntu di Operasons Sam Depina splika ki sensoris ta monitoriza níveis di monóxidu di karbonu, temperatura y kualidadi di ar na tudu sala di aula di BPS, sima na árias administrativus. Informason sta dispunivel publikamenti através di un painel di dadus online y e monitorizadu pa ikipa ambiental di distritu.

Denise Snyder sklaresi pa Sr.Cardet-Hernandez ki Sentrus di Boas-vindas sta abertu pa rejistru prezensialpa markason, ben komu remotamenti. E pergunta si famílias sta autorizadu a vizita pesualmenti skolas. Sra.Snyder fla ma vizitantis sa gosi permitidu na skolas y ki ta ben konpanha ku mas informason y partilhal na site di BPS.

Sra. Polanco Garci fla ki pais sta priokupadus ku bullying na skolas. E sulisita dadus sobri alunas ki foi vasinadus. Konsejera Sénior Megan Costello splika kompleksidadi di rekolha di dadus, ta akresenta ki dadus sta sen pur sentu fiável. E ilujia Boston International Newcomers Academy (BINCA) pa ses sforsus di vasinason.

Sra. Mercer pergunta kuandu ki BPS podeba labanta uzu di máskara. Superitendenti fla ki ora ki sidadi atinji 10 kazus puzitivus pa 100000 rezidentis.

Aprovadu - Na vutason numinal, Kumité aprova pa unanimidadi rilatóriu di Supertendenti.

KUMENTÁRIU DI PUBLIKU EN JERAL

- Lillianis Rodriguez Rivera, rezidenti na sul di Boston, alunu di BPS, y menbru di Sociedad Latina, tistimunha en apoiu a spanson di studus étnikus.
- Sarah Horsley, Rezidenti na Jamaica Plain y menbrus di famílias BPS pa seguransa di COVID, tistimunha na apoiu a manutenson di rikizitu di máskara na skolas di BPS.
- Michael Heichman, Rezidenti na Dorchester y menbru di Aliansa pa Justisa na Edukason di Boston (BEJA) tistimunha a respetu di pruposta di orsamentu pa FY 23.
- John Mudd, rezidenti y defensor di Cambridge, tistimunha a respetu di pruposta di orsamentu pa FY 23 y di prusesu di peskiza di superitendenti.

23 di Marsu di 2022

- Elise Pechter, Rezidenti na Jamaica Plain y membrus di famílias BPS pa seguransa di COVID, tistimunha na apoiu a manutenson di rikizitu di máskara na skolas di BPS.
- Cheryl Buckman, Rezidenti na South Boston y membrus di famílias BPS pa seguransa di COVID, tistimunha na apoiu a manutenson di rikizitu di máskara na skolas di BPS.
- Matthew Connor, rezidente na Jamaica Plain y P.A. Profesor di Skola Primária Shaw, tistimunha na apoiu a spanson skular di skola.
- Brian Ruka, rezidenti na Dorchester y pai di Kenney Elementary School, tistimunha a respetu di tarefas di jéneru y seksualida na skola.
- Edith Bazile, rezidenti na Hyde Park, advogada, tistimunha a respetu di McKinley Schools.
- Suleika Soto, Rezidenti na South End, y membrus di famílias BPS pa seguransa di COVID, tistimunha na apoiu a manutenson di rikizitu di máskara na skolas di BPS y di orsamentu.
- Nora Paul-Schultz, rezidenti na Jamaica Plain y profesora di O’Bryant School ,ta tistimunha a respetu di negosiason kontratual entri BPS y Sindikatu di Profesoris di Boston.
- Ruby Reyes, rezidenti na Dorchester y direktor izekutivu di BEJA, tistimunha kontra likidason di Stadu.
- Amy Gebo, rezidenti na Quincy y profesora di Holmes Innovation School, tistimunha sobri negosiasons kontratual entri BPS y Sindikatu di Profesoris di Boston.
- Amy Gebo, rezidenti na Quincy y profesora di K-8 Holmes Innovation School, tistimunha sobri negosiasons kontratual entri BPS y Sindikatu di Profesoris di Boston.
- Wilmer Quinones, rezidenti na Dorchester y pesual di Sociedad Latina, tistimunha na apoiu a spanson di studus étnikus.
- Mary Lee Marra, rezidenti na Hyde Park y difensora, tistimunha sobri preokupasons y rezultadus pa alunus di BPS.
- Alison Pultinas, rezidenti na Mission Hill y reporter di Fenway News, tistimunha sobri disponibildiadi di informason sobri atletismu di BPS.
- Barbara Fields, rezidenti na Mattapan y difensora, tistimunha en apoiu a spanson di P.A. Shaw Elementary School

PONTUS DI ASON

Aprovadu - Na xamada numinal, Kumité aprova pur unanimidadi aseitason di duason en spesi (ikipamentu muzikal) di Donald Perlo ku un valor total stimadu di \$20020.

Aprovadu - na xamada nominal, Kumité aprova pur unanimidadi subisidius pa provason na total di \$883650.

Sr. Cardet-Hernandez pregunta sobri uzu pa distriiu di feramentas di planiamentu di ekuidadi rasial na seleson di Prujetus di Reparason Aseleradu di Autoridadu di Konstruson Skular di Massachusetts. Direktor Finaseru Adjuntu David Bloom splika modi ki BPS ta uza dadus na se prusesu di seleson y involvi ku kumunidades skular através di prusesu Konstrui BPS.

23 di Marsu di 2022

Aprovadu - Na xamada numinal, kumité aprova pur unanimidadi siguintis Prujentus di Reparason Aseleradu (ARP) di Auturidade di konstruson di Skola di Massachusetts (MSBA): Burke, Curley, Haley, y Warren-Prescott substituison di kalderas; Henderson Upper y Ohrenberger substituisons di telhadus; y English High School substituisons di telhadus y janelas.

Dr. Alkins fazi perguntas sklaresedoras sobri forma modi ki dukumentus orsamental e partilhadu ku famílias, ben komu sobri uzu di ferametna di planiamentu di ekuidadi rasial. Sr. Bloom splika prusesu orsamental di kolaborason ku kumunidadis skular y inkorporason di planiamentu di ekuidadi rasial ku apoiu di Direktor di Ekuidadi y Stratéjia Charles Grandson.

Sr. Cardet-Hernandez papia sobri alguns elementus di pruposta di orsamentu ser exsistanti, ma e spresa preokupason sobri responsabilidadi di Kumité pa ku saudi fiskal a longu prazu di distritu. Sr. Bloom sklaresi ki pruposta orsamental FY23 akresenta 117 puzisons (99 ku bazi skular y 18 ku bazi sentral). Sr. Cardet-Hernandez spresa priokupason di ki orsamentu podi aprezentadu dizafius futuris ora ki distritu mesti di kontra en termus di dimenson. E pregunta sobri vagas atual. Sr. Bloom fla ma BPS ten atualmenti 864 vagas, di kual 20 pur sentu foi postu pa pelu menus ses mes antis.

Direktor Finanseru Nate Kuder sklaresi pa Sr. O'Neill ki pruposta di orsamentu ta inklui projensons sobri finansiamentu federal di idukason ku bazi na midjor informason pusivel na altura. Superintendenti fla ma menus 4000 alunus di BPS foi kategorizadus komu alunus di altu pobreza na resenti Sensus di EUA, u ki ta ben ten inpaktu na orsamentu di FY24. Sr. O'Neill observa ki ta izisti atualmenti un pruposta pa altera atual fórmula di finansiamentu di idukason federal y ki manutenson di atual fórmula seria na midjor interesi di Boston.

Dr. Alkins sulisita mas informasons sobri investmentus di distritu na oportunidadi di aprendizajen eiktativas di STEM. Superintendenti fla ki pesual ta ben da segimentu.

Sr. O'Neil agradezi Superintendenti di garanti \$100 di finansiamentu pa idukason duranti tres anu apartir di Sidadi. E manifesta se apoiu a disizon di Superintendenti di poi un montanti signifikativu di finansiamentu federal en favor di aterajens suavis pa skolas ki sufri un diminuison di matrikulas y ki sta ta rekupera di pandimia. E rekunhesi ki situason e insustentavel y ki ta ben aprezenta dezafius na anus futuris.

Sr. Cardet-Hernandez purgunta sobri planus di distritu pa aumenta apoiua a alunus ku difisiensia. Mr. Kuder dilinia investmentus spesifikus ki distritu sta ta fazi na ária di idukason spesial, inkluidu novus kargus di pesual y spanson di oportunidadi di inkluzon. Superintendenti fla me kontrata Dra. Nadine Ekstrom pa sirbi komu Konselhera Sénior di Superintendenti pa Idukason Spesial.

Dr. Alkins pregunta modi ki kes investmentus li ta ben djuda a prienxi lakuna di rializason. Superintendenti papia na fazi investmentus stratéjikus na akadémikus y servisus di apoiu pa furnesi un abordajen multi-kamada y multi-disiplinar pa kolmata lakunas.

Sr. Cardet-Hernandez pidi un kuantia en dólar mestedu oa ki distritu pudese kunpri servisus pa alunus ku difisiensia, ben komu pa aprendizajen di lingua ingleza. Dr. Ekstrom konkorda na da

23 di Marsu di 2022

sigimentu. Sr. Bloom stima ki ta binha kustaba aprosimadamenti \$6.5 milhon pa furnesi servisu kompensatórius di COVID.

Sra. Robison inkoraja ikipa di orsamentu a pruduzi un livru orsamental FY23 kontendu narativa.

Aprovadu - Na xamada nominal, Kumité aprova Rekomendason Orsamental di Fundu Jeral di Superitendenti FY23, na montanti di \$1334845508. Sr. Cardet-Hernandez vota nau. Tudu kes otu menbrus vota sin.

RILATÓRIUS

Atualizason di registru y atribuison - Denise Snyder, Xefi Interina di Prumoson di Família y di Kumunidade y Diretora Sénior di Servisu di Boas-Vindas Sonia Gómez-Banrey apresenta un atualizason sobri trabadju di Gabeti di Servisu di Boas-Vindas na matéria di registru y atribuison, inkluidu atualizasons sobri prusesus, número di inskrison, y inuvasons resents. Servisu di Boas-vinda ta apoia alunus y familias na se eskolha di skola, inskrison, atribuison y tranzison pa aseguira un matrikula ben susedidu na skolas Publiku di Boston. Apoiu e dadu na novi linguas prinsipal di distritu na kuartu Sentru di Boas-vindas. Sra. Snyder splika prusesu di inskrison skular ki ten lugar en rondas. Na Anu skular 2021/22, 80 persentu di famílias ki inskrevi na se ronda prioritáriu resebi un di ses tres primeru eskolha. E pidi diskulpa pa un eru na slide novi di prezentason na PowerPoint, ta afirma ki numeru di registus di anu korenti sta mas pertu di 6000(y nau 8851).

Skolas di izami: Pasus pa atribuison

- Konfirma rezidensia na Boston (pa famílas nau-BPS) - 17 di Dezenbru
- Alunus di BPS ta submeti xkolhas- 4 di Fevereru
- Turmas inskritu na ASPEN - 11 di Fevereru
- Verifikason di GPA 11-Fev a 29 Fev
- Validason di GPA pa terserus - 1-11 di Marsu
- Xamada a alunus di BPS kualifikadus - 11 ti 18 di Marsu
- Avizu di Elijibilidadadi- 11-18 di Marsu
- Pontuason konpostus finalizadus - 21-25 di Marsu
- Verifikason di auditoris sternus - 28 di Marsu a 8 di Abril
- Finaliza kapasidadi na kada skola - Inisiu di Abril
- Izekuta simulaso/texti di erus - Miadus di Abril
- Izekuson final di algoritmu di atribuison - Final di Abril
- Karega tarefas y prepara mailers/emails - Final di Abril/Prinsipiu di Maiu

Inuvasons:

- E kontrata ASG Marketing pa pruduzi kanpanhas di komunikason diresonadus pa famílias ki tendi a registra tardi
- Aloja 15 sesons virtual y 13 prezensial di informason di registru
- Ajendadus tres ou mas tenpus di Pré-vizualizason Skular Virtual na tudu skolas
- Lansamentu di vidus skular (através di Gabeti di komunikason)
- DiscoverBPS.org
- Ajendador Online

Reunion rimotu di kumite Skular di Boston
Zoom

23 di Marsu di 2022

- Grupu di trabadju Dipartamental Kruzadu pa izamina opsons pa midjora linha di tenpu di rondas.
- Parseria putensial ku Cradles to Crayons
 - Tenpu friu y fornesimentu du material skualr isensial pa famílias nesesitadus
- Kanpanha di divulgason alargadu pa djuda famílias di aprendis di Ingles na kódigus postal ku baxu partisipason na Primeru ronda.

Dr. Alkins sulisita dadus sobri rezultadus di kanpanha di komunikason, ora ki stiver dispunivel. E pregunta sobri pusibilidadi di alinha a linha tenpural di rejistru di distritu ku otus skolas, pa ki famílias podi toma disizons informadu. Sra. Snyder papia sobri tensons involvidus a ajusta prazus di rejistru.

Sra. Polanco Garcia ilujia spanson di asesu di distritu pa famílias di aprendizajen di ingles. spanson di asesu pa famílias.

Sr. O'Neill ilujia kolaborason di distritu ku un parseru sternu pa virifika dadus di skolas di izami. E manifesta priokupason sobri inpaktu di linha tenpural di notifikason di skolas di izamo sobri famílias ki pudia fazi otus eskolhas. E inkoraja distritu a manda konviti mas sedu pusivel.

Dr. Alkins pregunta si era pussivel fazi ajustis na linha tenpural di rejistru. Sra. Snyder splika kompleksidadis di linha di tenpu.

Sr. Cardet-Hernandez sujiri ki BPS splorasi stratéjias di inskrison kriativu duranti periudus di piku di inskrison.

Atualizason di Kumité di Buska di Superitendenti - Sr. O'Neill, ki ta fazi parti di Kumité di Buska di Superitendenti, aprezenta un atualizason di prusesu di buska na nomi di Ko-prezidenti di Kumité di buska, Sra. Lopera, ki ka staba ta xinti dretu y sai di runion mas sedu.

Kumite di Buska di Superitendenti fazi se primeru runion remotu na 22 di Marsu. Kumité sa plania riunu di manera remotu tu tersa feras di noti ti kunpri se inkargu, ki e rekumendason di kandidatus final a Kumité Skular pa konsiderason. Tudu runions ta ben ten interpretason au vivu y simultaniu y ta ben inklui un oportunitadi pa kumentáriu di públiku. Links y vidius di runion di zoon e publikadu na bostonpublicschools.org/supt-search.

Runion di onti di noti foi prinsipalmetni un seson di trabadju. Diskuson sentra prinsipalmenti na kestons y kumentáriu relasionadus ku feedback di sesons di audision fetu ti gosi. Kumité diskuti prinsipal temas ki surji y implikasons pa un diskrison atualizadu di perfil di lideransa/superitendenti di kargu.

Alguns di kes temas inklui:

- Kualidadis ki famílias kre odja na prósimu superitendenti:
 - Ouvinti
 - Kulaborador
 - Kumunikador

23 di Marsu di 2022

- Bilingi
 - Konprumitidu ku anti-rasismu.
 - Difensor di ekuidadi
 - Transparenti
 - Alguen ki dja pasa tenpu na sala di aula y ki ta intendi Boston
- Kumité tanbe obi kumentáriu sobri arias a midjora na BPS:
 - Transporti
 - Instalason
 - Servisus di Alimentason
 - Seguransa di Skola
 - Aborda perda di aprendizajen dividu a pandemia

Respsotas a pididu di Prupostas (RFP) pa un firma di piskiza di superitendenti staba previstu pa 22 di Marsu pa 12 hora. Prazu orijinal era sexta-fera, 18 di Marsu; kontudu, pamodi konfliktu di dadus na munti dukumentus dispunível a publiku, prazu di resposta pa RFP foi alargadu. Un Adenda foi postu na [Site di Kumité](#) na sexta fera, y inprezas ki tinha aprezentadu pruposta foi notifikadu. Foi aprezentadu seti prupostas. Ikipa di rivizon di RFP ta ben reve prupostas, intrevista inprezas y aprezena un rekomendason a kumité di Buska. Objektivu e ki Kumité di Buska fazi un rekomendason di kontratason di un inpreza di buska ki rezulta di revizon pa Kumité Skular pa aprovason ti inisiu di Abril. Revizon Inisial ta ben ser konduzidu pa Xefi Di Kapital Umanu, Al Taylor, sima pa dos menbru sdi kumité di nуска dizignadu pa Koprezidentis: Jose Valenzuela y Sr. O'Neill. Ikipa di rivizon ta ben ser asistidu pa Jestor Inprezarial Naveen Reddy y pa se pesual, ki ta ben presta apoiu y orientason a prujetu pa asegura ki prusesu di revizon di RFP seja konkluidu fi manera ifisienti y en konformidadi ku tudu rikizitus legal.

Kumité di Buska fazi dos seson di skuta a distansia na kumunidadi: Un seson jeral na dia 9° dia di Marsu y un seson di língua spanhol na dia 15° dia di Marsu. Kumité di Buska ten stadu plenamenti prezenti na sesons di skuta. Nu total, mas di 450 alguen sisti kes dos seson. Vidius di kes seson li, ben komu konversa, e publikadus na pájina web di Superitendenti di Buska. Kumité ta ben organiza un seson di skuta pa alunus na dia 24 di Marsu, di 6 ti 8 ora, y otu seson di skuta jeral na sábadu, 2 di Abril di 10 a.m ti 12 ora. Tudus dos seson ta ben ten interpretason na tudu linguas di BPS. Alguen podi inskrevi pa prósimum seson di audison y submeti testemunhus en vidu y textu na bostonpublicschools.org/supt-search. Feedback podi ser mandadu na email pa superintendentsearch@bostonpublicschools.org.

Des di 3 ora di oji, kumité resebi serka di 350 respostas a inkéritu. Pididu inkiridus kes diskrevesi ses relason ku BPS y kes selesionasi tudu opsosn ki ta aplikaba. Esmagadora maioria di respostas ben di pais ou kuidadoris di alunus atula di BPS, ku 67 % di inkiridus ta identifika komu tal Alen di kel 28% e menbrus di kumunidadi, 3% e alunus, 13% e profesoris di BPS, 2% e líderes skular di BPS, y 8% ta identifika komu otus menbrus di pesual di BPS. Sr. O'Neill inkoraja pesoas a fazi inkéritu pa ki kumité podi obi un grupu diversifikadu di intervinientis di BPS.

**Reunion rimotu di kumite Skular di Boston
Zoom**

23 di Marsu di 2022

Kumité ta bai rakodji y sintetiza tudu kumentáriu, ta bai djobi temas y ta bai partilha-s ku kumunidadadi na inisiu di Abril. Es kontributu ta bai djuda ta informa diskrison di trabadju y, en ultimu analizi, kandidatus ki é konsideradu.

A 6 di Abril, Kumité Skular sa plania bai vota sobri inpreza di buska, ben komu na diskrison di funsons di Superintendenti y ta bai imiti un konviti pa kandidatus kualifikadu. Na Abril y Maiu, inpreza di Buska ta bai konklui primeru virifikason inisial y antisidentis di kandidatus. Kumité di Piskiza ta bai analiza inskrisons y ta bai silesiona kandidatus pa intrivista en seson izikutivu, Dipos di rondas di intrivistas, Kumité di Piskiza ta bai silesiona finalistas pa aprizentason publiku. Ora ki kel tarefa li stive konkluidu, Kumité di Buska ta ben ter konpridu se inkargu. Na Junhu, Kumité Skular ta bai anunsia kandidatus final y ta bai rializa intrivistas publiku. Kumité Skular ta bai inton vota na un kandidatu pa oferesi kargu di Superintendenti.

Sr. O'Neill pidi Sra. Mercer pa djuda prumovi buska di superitendenti, na un sforsu pa aumetna taxa di reposta di alunus.

Sr. O'Neill Sklaresi Sra. Robinson ki Kumité di Buska sa plania aprezena se rekomendason sobir un firma di buska y diskrison di funbsons di superitendenti a kumité Skular pa konsiderason y vutason a 6 di Abril. E fla ma kumité di Buska sta ta spera di resebi feedback adisional di sesons di skuta y otus fontis antis di atualiza diskrison di funsons.

KUMENTÁRIU PUBLIKU SOBRI RELATORIU

Ninhun.

NOVU NEGOSIU

Ninhun

ADIAMENTU

Aprovadu- Pa volta di 10:01 di noti Kumite vota ku unanimidadi , pa xamada nominal adiamentu di runion.

Atestadu:



Elizabeth Sullivan
Sikretária Izekutiva